

KONTZERTU EKONOMIKOA. Negoziazioek aurrera jarraituko dute

«Akordio globala» lortzen saiatuko da Jaurilaritza, Imazek adierazi duenez

«Nolanahi eta berehala» lortu nahi du akordioa Madrilgo gobernuak

Maidel del Olmo | BILBO

Jaurilaritzak Kontzertu Ekonomikoan «akordio globala» lortzea duela helburu esan zuen atzo Josu Jon Imaz elelunak, Gasteizko eta Madrilgo ordezkariak bi egunez jarraian bildu ostean. Hala, Imazek ez du uste epe motzera adostasunik izango denik, eta «negoziaketak irekirik» jarraitzen duela adierazi du. «Oraindik ez dago Kontzertuaren gaineko akordiorik, baina, horretarako borondatea dagoen neurrian, negoziatioek aurrera darraite». Aste honetan bilkura gehiago ez dute egingo, baina telefonoz harremanetan izango dira Espainiako Gobernuarekin, Jaurilaritzako elelunak iragarri duenez.

Bestalde, Imazek Espainiako Gobernuaren jokabidea ere kritikatu du, eta «aurrez adosturik zizutzen zenbait gai berriz plazaratu eta haiek aldatzeko ahalgina» leporatu dio Madrilgo ordezkariari. Halaber, egun indarrean den Kontzertu Ekonomikoak zehazten duen gisara, EAEko erakundeek mundu mailako akordioetan eragina izan dezaten, eskura dituen mekanismoak abian jartzeko eskatu die Imazek Gobernuko ordezkariari, «EAEk Europar bere lekua izan dezan».

EFE
Josu Jon Imaz.

Bestetik, Espainiako Gobernuko iturriek «lehenbailehen» akordioa ixteko premia nabarmendu dute. Hala, Eusko Jaurilaritza EAEko Kontzertu Ekonomikoa berritzeko «akordiotik hurbil» dagoela adierazi zuen, atzo, Cristobal Montoro Espainiako Hazienda ministroak. Haren hitzetan, «eztabaida politikoei soilik oztopatu dezakete egun hitzarmen hori».

Montororen ustez, komenigarria litzateke akordioa «berehala» gauzatzea, hain zuzen, 2002 urte hasierarako jada le-

gea indarrean sartu ahal izateko. Espainiako Gobernuaren helburua, iraungitze egunik gabeko Kontzertu «iraunkorra» hitzartzea litzateke.

Ildo beretik, Mariano Raxoi Espainiako presidenteordearen arabera, kontua nolanahi akordioa lotzean datza. «Ehuneko laurogehi bateko adostasuna lortzen badugu, hobe hitzarmena segituan onartzea, ez dadin ezberdintasun bat edo bestegatik hura apurtu», adierazi zuen atzo Raxoik.

Aurkako erreakzioak

Batasuna alderdiak egunotako bileren «iluntasuna» salatu, eta «Kontzertu Ekonomikoa gainditzeko beharra» berretsi du, «subiranotasun ekonomikoaren aldeko apustua eginez». Eusebio Lasa Batasuneko ekonomia arduradunaren hitzetan, «deitoragarria da jendaurrean Gasteiz eta Madril artako irudi gatazkatsua erakutsi bitartean, gero, ezkutuan, horrelako negoziaketak egiten ariteza».

LAB sindikatuko Txutxi Ariznabarretak ere «agorturiko marko juridikoa» gainditzeko beharra azpimarratu du, eta «negoziaketak Hego Euskal Herriko biztanleen beharrak alde batera utzirik» egiten ari direla erantsi.

BIZKAIKO AURREKONTUAK. Udalbiltza diru laguntzarik gabe geratuko da

Aldundiak datorren urterako aurrekontu akordioa hitzartuko du PSE-EErekin

Erredakzioa | BILBO

Datorren urterako aurrekontua hitzartzea erabaki dute Bizkaiko Foru Aldundiko gobernu taldeak —EAJk eta EAK— PSE-EE alderdiarekin, atzoko Gobernu kontseiluan. Asteartean, aurrekontu proiektua onartu eta gero, Javier Urizarbarrena Hazienda diputatuak bihar aurkeztuko die egitasmoa Batzar Nagusiei. Zehazki, aurtengo kopurua gaindituz, 134.000 milioi pezetak osatzen dute 2002. urteari dagokion aurrekontua.

Hala ere, «eduki zehatzen inguruko akordiorik» ez dutela oraindik «erabat hitzartu» ere azaldu zuen Jose Luis Bilbao Bizkaiko Foru Aldundiko bozeramaileak. Nolanahi, egitasmoa aurrera eramateko baldintzak «egokiak» direla nabarmendu zuen Aldundiko bozeramaileak, eta, hortaz, aurrekontua «arazorik gabe» onartuko dela datozen asteetan.

Jose Luis Bilbaok aurreratu duenez, gainera, aurtengo Udalbiltza —Udalbiltzako hautetsien zuzenbide organoak— ez du

Bizkaiko Aldundiaren diru laguntzarik jasoko. Bestalde, hiru astetan zehar sozialistekin akordioa lortzeko egindako eztabaidek ere euren emaitza eman dutela nabarmendu du. Bestetik, aurrera begira gainontzeko alderdiekin negoziatzeaz izango dela ukatu egin du.

Batasunaren gaitzespena

Batasunak «alderdikieriaz jokatzea» leporatu dio EAJri, eta, PSE-EErekin egin hitzarmenaren ondorioz alderdi jeltzaleak «egungo marko juridikoari bermeak ematen» jarraitzen duela uste du Batasunak. Hala, «lurraldetasuna eta subiranotasuna oinarritzat harturik», marko berri baten aldeko apustua berretsi du.

LABURREAN

Andoañen Jose Luis Vela PSE-EEko zinegotziaren kontrako kartelak agertu direla salatu du Huertasek

Andoaingo (Gipuzkoa) kaleetan Jose Luis Vela PSE-EEko zinegotziaren kontrako kartel ugari agertu direla salatu zuen atzo Manuel Huertas PSE-EEko Gipuzkoako idazkari nagusiak. Esaldi luze baten ondoren, «zanpatzaile, Euskal Herriatik kanpo nahi zaituztegu, alde hemenik!» diote kartelek, eta Andoaingo zinegotzi sozialistaren argazkiarekin ageri dira. Velari hilaren 1ean eraso egin zioten bere etxebizitzan. Huertasek esan zuenez, «beraiek bezala pentsatzen ez dutenei estortsioa egin, mehatxatu eta suntsitu egiten dituzte». Ertzaintzak esku hartzea eskatu zuen PSE-EEko buruzagiak.

EB indartzeko beharraz arituko da Ibarretxe Europako Eskualdeen Presidenteentz bilturan

Juan Jose Ibarretxe EAEko lehendakaria Legegintzarako Eskumenak dituzten Europako Eskualdeen Presidenteentz Bigarren Hitzaldian izango da gaur Liejan (Belgika). Bertan, Europako Batasuna indartzeko beharra eta EAEk Europarekiko duen zaletasuna nabarmenduko du.

Autodeterminazioaren aldeko manifestazioan parte hartzeko dei egin du Tolosako Batasunak

Larunbatean Bilbon autodeterminazioaren alde Batasunak antolatu duen manifestazioan parte hartzeko dei egin du Tolosako Batasunak. Tolosaldeko herritarrei euskaraz bizitzeko eskubidea, herriaren nahia betetzeko eskubidea eta adierazpen askatasunarena urratu zaizkiela esan zuen.

Udalbiltzako Zuzendaritza Batzordeak ukatu egin du euskal nortasun agiria bultzatzen duela

Udalbiltzako Zuzendaritza Batzordeak ukatu egin du «euskal nortasun agiriaren» iniziatibarekin zerikusirik duela. *El Mundo*-k ateratako informazioari erantzuteko oharrean dioenez, «EAJk eta EAK zuzentzen duten Udalbiltzak ez du udaletxeetara inongo gutunik bidali Euskal Nazionalidade Adierazpen izeneko iniziatibara atxikipena eskatzuz». Eta Udalbiltzako Batzorde Eragilearekin nahastu izana salatzen du, Jon Jauregi Udalbiltzako Zuzendaritzako lehendakariak sinatutako agirian: «Sinestezina eta ikaragarria iruditzen zaigu gaur egun zenbait komunikabide eta zenbait kazetari EAJk eta EAK zuzentzen duten Udalbiltza Batasunak bere kabuz, nahiz eta izen bera izan, bultzatzen ari den iniziatibatik ez bereiztea».

Eskeletan ETaren kontra giza mugimendua abian jartzea eskatu du PSEk

PSE-EEk galdera bat egingo dio Legebiltzarrean Anjeles Iztueta Hezkuntza sailburuari «terrorismoaren kontrako eskeletan giza mugimendua gidatzeko» martxan jarri nahi dituen neurrien inguruan. Isabel Celaa PSEko legebiltzarkideak gogoratu duenez, bere taldeak aspalditik jo ditu beharrezkotzat neurri horiek.

De Lorenzo, Urrutia eta Duran gasteiztarrak Entzutegi Nazionalen aurkeztu dira

Edorta de Lorenzo, Iraultza Urrutia eta Aitor Duran gasteiztarrak atzo Entzutegi Nazionalen aurkeztu ziren deklaratzera. Fiskala agertu ez zenez, azaroaren 20rako eman diete ordua. Azaroaren 7an epaileak deklaratzeko deituta zituen bederatzi gasteiztako hiru dira gaur joandakoak.

Gaizka Areizaga hogeitaz espertxeen dagoen euskal presoaren omenduko du Antiguako AABak

Antiguako Amnistiaren Aldeko Batzordeak zenbait ekitaldi antolatu ditu Gaizka Areizaga euskal presoaren espertxeratu zutela hogeitaz bete direnean. Azaroaren 16an arratsaldeko 20:00etan akanpada izango da; hilaren 17an 12:00etan Areizagari omenaldia eta ondoren enkartelada; 19an torturaren aurkako eguna; 20an torturari buruzko hitzaldian arratsaldeko 20:00etan; 21ean iheslarien egoerari buruzko bideo emanaldia 19:00etan; 22an errepresio kulturalari buruzko mahai ingurua 19:30etan, eta 24an kontzertua frontoian.